

四庫全書

集部

欽定四庫全書

古詩紀卷一百十二

明 馮惟訥 撰

陳第五

張正見

字見贖清河東武城人幼好學有清才梁太清初射策高第除邵陵王國常侍梁元帝立

拜通直散騎侍郎遷彭澤令屬亂避地匡俗山陳武受禪除鄱陽王叅軍衡陽王長史累遷散騎侍

郎大建
中卒

樂府

釣竿篇

以下
五言

金匱山房詩集 卷一百十二
結宇長江側垂釣廣川
得竹竿橫翡翠桂髓擲黃金
人來水鳥沒檝度岸花
沈蓮搖見魚近綸盡覺
潭深渭水終須卜滄浪
徒自吟空嗟芳餌下獨
見有貪心

度關山

關山度曉月劔客遠從征
雲中出迥陣天外落竒兵
輪摧偃去節樹倒礮懸旌
沙揚折坂暗雲積榆溪明
馬倦時銜草人疲屢看城
寒隴胡笳溢空林漢鼓鳴
還聽鳴咽水併切斷腸聲

晨雞高樹鳴

阮藉詠懷詩曰晨雞鳴高樹命駕起旋歸然則此非樂府也

晨雞振翮鳴出迥擅竒聲蜀郡隨金馬天津應玉衡摧
冠驗遠石繫火出連營

用江通事

爭棲斜揭暮解翼橫飛度

試飲淮南藥翻上仙都樹枝低且候潮葉淺還承露承
露觸嚴霜葉淺伺朝陽猜羣怯寶劔勇戰出花場當損
黃金距誰論白玉璫長鳴逢晉帝恃氣遇周王流名說
魯國分影入陳倉不復愁苻朗猶能感孟嘗

採桑

春樓曙鳥驚蠶妾候初晴迎風金珥落向日玉釵明徙
顧移籠影攀鈎動釧聲葉高知手弱枝軟覺身輕人多
羞借問年少怯逢迎恐疑夫塔遠聊復答專城

艷歌行

城隅上朝日斜暉照杏梁併捲茱萸帳爭移翡翠牀紫
環聊向牖拂鏡且調妝裁金作小靨散麝起微黃二八
秦樓婦三十侍中郎執戟超丹地豐貂入建章未安文

史閣獨結少年場，彎弧貫葉一作月影，學劍動星芒。翠蓋

飛城曲，金鞍橫道傍。調鷹向新市，彈雀往睢陽。行行稍

有極，暮暮歸蘭房。前瞻富羅綺，左顧足鴛鴦。蓮舒千葉

氣，燈吐百枝光。滿酌胡姬酒，多燒荀令香。不學幽閨妾，

生離怨採桑。

從軍行

胡兵屯薊北，漢將起山西。故人輕百戰，聊欲定三齊。風
前噴畫角，雲上舞飛梯。鴈塞秋聲遠，龍沙雲路迷。燕然

自可勒函谷詎須泥

三婦艷詩

大婦織殘絲中婦妬蛾眉小婦獨無事歌罷詠新詩上
客何須起為待絕纓時

置酒高殿上

曹子建瑩篋引曰置酒
高殿上親友從我遊

陳玉開甲第粉壁麗椒塗高牕侍玉女飛闥敞金鋪名
香散綺幕石硯彫金鑪清醪稱玉饋浮蟻擅蒼梧鄒巖

恒接武申白日相趨容與升階玉羞池曳履珠千金一
巧笑百萬兩鬢妹趙姬未鼓瑟齊客罷吹竽歌喧桃與
李琴挑鳳將雛魏君慙舉白晉主媿投壺風雲更代序
人事有榮枯長卿病消渴壁立還成都

門有車馬客行

飛觀霞光啟重門
平旦開北闕高箱過東方
連騎來紅塵揚翠轂
赭汗染龍媒桃花夾
逕聚流水傍池回投

集作

揮鞭聊靜

集作接

電捐軫暫停雷非闕
萬里客自有六奇

才琴和朝雉操酒泛夜光杯舞袖飄金谷歌聲遶鳳臺
良時不可再騶馭鬱相催安知太行道失路車輪推

白頭吟

平生懷直道松桂比真風語默妍媸際沈浮毀譽中讒

新恩易盡情去寵難終彈珠金市側抵玉春

一作崑

山東

含香老顏駟執戟異揚雄惆悵崔亭伯幽憂馮敬通王
嬙沒胡塞班女棄深宮春苔封履跡秋葉奪妝紅顏如
花落槿鬢似雪飄蓬此時積長歎傷年誰復同

怨詩

集作
情詩

新豐妖冶地遊俠競嬌奢
池臺間羅綺桃李襟煙霞
蓋影分連騎衣香合並車
艷粉驚飛蝶紅妝映落花
舞衫飄冶袖歌扇掩團紗
玉牀珠帳卷金樓鏡月斜
還疑蕭史鳳不及季倫家

應龍篇

應龍未起時乃在淵底藏
非雲足不蹈舉則冲天翔
譬彼野蘭草幽居常獨香
清風播四遠萬里望芬芳
隱居

可頤志自見馬得彰

輕薄篇

洛陽美年少朝日正開霞細蹠連錢馬傍趨首宿花揚
鞭還却望春色滿東家井挑映水落門柳雜風斜綿蠻
弄清綺蛺蝶遶承華欲往飛廉館遙駐季倫車石榴傳
瑪瑙蘭肴莫象牙聊持自娛樂未是鬪豪奢莫嫌龍馭
晚扶桑復浴鷗

帝王所居篇

樂府不載見
文苑英華

峭函惟帝宅宛雄壯皇居紫微臨複道丹水亘通渠沈
沈飛雨殿藹藹承明廬兩宮分槩日雙闕並凌虛休氣
充青瑣榮光入綺䟽霞明仁壽鏡日照凌雲書鳴鸞背
鳩鵲詔蹕幸儲胥長楊飛玉輦御宿徙金輿柳葉飄緹
騎槐花影屬車薄暮歸平樂歌鐘滿玉除

朱鷺

金堤有朱鷺刷羽望滄瀛周詩振雅曲漢鼓發竒聲時
將赤雁並乍逐彩鸞行別有翻潮處異色不相驚

上之回

林光稱避暑回中乃吉行龍媒躡影駛玉輦御雲輕風
烏繞鳩鵲綵鷁照昆明欲知鍾箭速遙聽寶雞聲

戰城南

薊北馳胡騎城南接短兵雲屯兩陣合劍聚七星明旗
交無復影角憤有餘聲戰罷披軍策還嗟李少卿

君馬黃二首

幽并重騎射征馬正盤桓風去嘶聲

一作長嘶

遠冰堅度足

寒出闕聊變色上坂屢停鞍即令隨御史非復在樓蘭
五色乘馬黃追風時滅沒血汗染龍花胡鞍抱秋月唯
騰渥洼水不飲長城窟詎待燕昭王千金市駿骨

芳樹

奇樹舒春苑流芳入綺錢合歡分四照同心影

一作彰

萬

年香浮佳氣裏葉映彩雲前欲識揚雄賦金玉滿甘泉

有所思

深閨久離別積怨轉生愁徒思裂帛鴈空上望歸樓看

花憶塞草對月想邊秋相思日日度

玉臺作暮

淚臉年年流

雉子斑

陳倉雉未飛歛翮依芳甸朱冠色尚淺錦臆毛初變
雉麥且專場排花聊勇戰唯當渡弱水不怯如臯箭

臨高臺

層臺迥清漢出迥架重棼飛棟臨黃鶴高牕度白雲
風前朱幌一作慢色霞處綺疏分此中多怨曲地遠詎能聞

隴頭水二首

隴頭鳴四注，征人逐貳師。
羌笛含流咽，胡笳襍水悲。
湍高飛轉駛，澗淺蕩還遲。
前旌去不見，上路杳無期。
隴頭流水急，流急行難渡。
遠入隗囂營，傍侵酒泉路。
心交賜寶刀，小婦成紈袴。
欲知別家久，戎衣今已故。

折楊柳

楊柳半垂空，裊裊上春中。
枝踈董澤澤，箭葉碎楚臣。
弓色映長河水，花飛高樹風。
莫言限宮掖，不閉長楊宮。

關山月

巖間度月華流彩映山斜
暈逐連城壁輪隨出塞車
唐
莫遙合影秦桂遠分花
欲驗盈虛理一作方知道
路賒一作駛

洛陽道

曾城啟旦扉上路滿春暉
柳影綠溝合槐花夾岸飛
蘇
合彈珠罷黃間負翳歸
紅塵暮不息相看連騎稀

梅花落

芳樹映雪

一作雲

野發早覺寒侵落
遠香風急飛多花
還

深周人歎初標
魏帝指前林
邊城少灌木
折此自悲吟

紫騮馬

將軍入大宛善馬出從戎影絕乾河上聲流入

一作水

窟

中似鹿猶依草如龍欲向空須還十萬里試為一追風

雨雪曲

胡關辛苦地雪路遠漫漫含冰踏馬足襍雨凍旗竿沙
漠飛恒暗天山積轉寒無因辭日逐團扇掩齊紈

劉生

劉生絕名價豪俠恣遊陪金門四姓聚繡轂

一作蕭鼓

五香

一作候

來塵飛瑪瑙，酒映碑礫杯。別有追遊夜，杖牕向

月開。

公無渡河

金堤分錦纜，白馬渡蓮舟。風嚴歌響絕，浪湧一作急榜人

愁。摧折桃花水，颿橫竹箭流。何言沈璧處，千載偶陽侯。

對酒

當歌對玉酒，匡坐酌金罍。竹葉三清泛，蒲萄百味開。風

移蘭氣入，月逐桂香來。獨有劉將阮，忘情寄羽杯。

銅雀臺

一曰銅雀妓

淒涼銅雀晚搖落墓田通雲慘當歌日松吟欲舞風人
疏瑤席冷曲罷總帷空可惜年將淚俱盡望陵中

長安有狹斜行

少年重遊俠長安有狹斜路窄時容馬枝高易度車簷
高同落照巷小共飛花相逢夾繡轂借問是誰家

飲馬長城窟行

秋草朔風驚飲馬出長城羣驚還怯飲地險更宜行傷

冰斂凍足畏冷急寒聲無因度吳坂方復入羗城

泛舟橫大江

魏文帝飲馬長城窟行曰
泛舟橫大江討彼犯荆虜

大江脩且闊揚舳度迴磯波中畫鷁涌帆上錦花飛舟
移歷浦月權舉濕春衣王孫定若速詎待送將歸

煌煌京洛行

千門儼西漢萬戶擅東京凌雲霞上起鳩鵲月中生風
塵暮不息簫篴夜恒鳴唯當賣藥處不入長安城

明君詞

集作王明君

寒樹暗胡塵
霜樓明漢月
淚染上春衣
憂變華年髮

神仙篇

雜言

瀛洲分渤海
閭苑隔虹蜺
欲識三山路
須尋千仞溪
石梁雲外立
蓬丘霧裏迷
年深毀丹竈
學久棄青泥
葛水留還杖
天衢鳴去雞
六龍驪首起
雲閣萬里一
別何寥廓
玄都府內駕
青牛紫蓋山
中乘白鶴
潯陽杏花終
難朽
武陵桃花未曾落
已見玉女笑
投壺復覩仙童欣
六

博同甘玉丈棗俱飲流霞樂鸞歌鳳舞集天台金闕銀
宮相向開西王已令青鳥去東海還馭赤虬來魏武還
車逢漢女荆王因夢識陽臺鳳蓋隨雲脚蔽日霓裳雜
雨復乘雷神嶽吹笙遙謝手當知福地有神才

又

見文苑英華樂府作
沈約題云樂未央

億舜日萬堯年詠湛露歌采蓮願襟百和氣宛轉金爐
前

前有一樽酒行

前有一樽酒主人行壽今日合來坐者當令皆富且壽
欲令主人三萬歲終歲不知老為吏當高遷賈市得萬
倍桑蠶當大得主人宜子孫

古詩紀卷一百十二

欽定四庫全書

古詩紀卷一百十三

明 馮惟訥 撰

陳第六

張正見 二

詩

御幸樂遊苑侍宴

以下
五言

大君臨四表榮光普八埏區中文化洽海外武功宣鳳
下書丹篆龜符著綠編昆明不習戰雲夢豈遊吹軌文

通萬國旌節靖三邊
高秋藐姑射睿想屬汾川
兩宮明合璧雙闕帶非煙
揚鑿出城觀詔蹕指郊壇
禁苑迴雕輦離宮建翠旃
流水奔雷轂追風赴電鞭
畫熊飄析羽金埒響膠弦
鳴玉升文砌稱觴溢綺筵
獸舞依鍾石鸞歌應管弦
霞明黃鵠路風典白雲天
潦收荷蓋折露重菊花鮮
上林賓早鴈長楊唱晚蟬
小臣慚藝業擊壤慕懷鉛
康衢飛駛羽大海滴微涓
詠歌還集木舞蹈遂臨泉
願薦南山壽明明奉萬年

重陽殿成金石會竟上詩

周王興路寢漢后成甘泉共知崇壯麗迢遞與雲連抗
殿疏龍首峻陞激天泉東西跨函谷左右矚伊瀍百常
飛觀竦三休複道懸拱烏遙造日擗虬遠架煙雲棟疑
飛雨風牕似望僊玉女臨芳鏡金鐙映彩椽梅梁橫發
葉藻井倒披蓮雲一作榮光開御宿佳氣屬祈年霜鴈排
空斷寒花映日鮮負辰憑霄極台司列象躔登臺誼大
厦御氣響鈞天北斗承三獻南風入五弦鸞歌鳩鵲右

獸舞射熊前翔鷲仰不逮燕雀徒聯翩

征虜亭送新安王應令

鳳吹臨南浦神駕餞東平亭迴漳水乘旆轉洛濱笙地
凍班輪響風嚴羽蓋輕燒田雲色暗古樹雪花明岐路
一迴首流襟動睿情

從藉田應衡陽王教作

五章

帝京惟赤縣神居應紫微塗山萬國仰滄海百川歸東
郊事平秩仲月祀靈威含光開早扇闔闔啟朝扉

洛城鍾漏息靈臺雲霧卷森森虎戟前
鵲鵲鑿旂轉屬車遊絳闕風烏度丹巘
帳殿幸金輿旌門擁玉輦

玉輦帶非煙金輿映綠川雨師清遠路
風伯靜遙天分

渠通沃野激水入公田草發

律祖作
幕接

青壇外花飛蒼玉

前

蒼玉臨珪璧青壇躬帝籍冒楸乃三推
齊衡均百辟蘭場儼芝駕桂圃芳瑤席
山禽韻管弦野獸和鍾石

鍾石既相和江海復無波梁客簪裾盛
陳王文雅多脩

途參弱駘喬木間輕蘿幸承濫吹末擊壤自為歌

從永陽王遊虎丘山

滄波壯鬱島洛邑鎮崇芒未若茲山麗岩堯擅水鄉地
靈侔少室塗艱像太行重巖標虎據九曲峻羊腸溜溪
澗無底風幽谷自涼寶沈餘玉氣劔隱絕星光白雲多
異影丹桂有藂香速看銀臺竦洞塔耀山莊瑞草生金
地天花照石梁

陪衡陽王遊耆闍寺

甘棠聽訟罷福宇試登臨
兔苑移飛蓋玉城列玳簪
階荒猶累玉地古尚填金
龍橋丹桂偃鷺嶺白雲深秋
牕被旅葛夏戶響山禽
清風吹麥隴細雨濯梅林

與錢玄智汎舟

高門事休沐朝野恣逢迎
還乘一作尋金谷水俱望洛陽

城舟移津女渡楫動渭橋
橫風高鴈已落雨霽水還清
葉盡桐門淨花秋菊岸明
欲奏江南曲聊習棹歌行

遊匡山簡寂館

三梁礪本絕千仞路猶通
即此神山內銀榜映仙宮
鏡似臨峯月流如飲澗
虹幽桂無斜影深松有勁風
惟當遠人望知在白雲中

和諸葛覽從軍游獵

治兵耀武節縱獵駭畿封
迅騎馳千里高置起百重
騰靡斃馬足饑鼯落劍鋒
雲根飛燒火鳥道絕禽蹤
方羅四海俊聊以習軍戎

山家閨怨

王孫春好遊雲鬢不勝愁
離鴻暫罷曲別路已經秋
山中桂花晚勿為俗人留

和陽

一作楊

侯送袁金紫葬

玄泉開隧道白日照佳城
一朝嗟此路千載幾傷情
秋一作雨氣悲松色淒風咽挽聲
歸雲向谷晚還柳背山輕
唯當三五夜壠月暫時明

傷韋侍讀

懷經傳北海蘊義盛西河
高峯落迴照逝水沒驚波
柳

下悲風急山陽秋氣多宿草摧書帶寒松脆女蘿無復
華陰市空餘蒿里歌

後湖泛舟

上苑奢行樂滄池聊薄遊汎荷分蘭榭沈槎觸桂舟殘
虹收度雨缺岸上新流欲知有高趣長楊送麥秋

遊龍首城

關外山川闊城隅塵霧浮白雲凝絕嶺滄波間斷洲四
面觀長薄千里眺平丘河津無桂樹樽酒自淹留

別韋諒賦得江湖汎別舟

千里潯陽岸三翼木蘭船
鷓汎青鳧後雞鳴白鷺前
涵花沒淺纜帶葉動深船
不言朝夕水獨自限神仙

星名從軍詩

樂府作
從軍行

將軍定朔邊刁斗出祁連
高柳橫遙塞長榆接遠天
井泉含凍竭烽火照山燃
欲知客心斷危旌萬里懸

賦得韓信

淮陰總漢兵燕齊擅速聲
沈沙擁急水拔幟上危城
野

有千金報朝稱三傑名所悲雲夢澤空傷狡兔情

行經季子廟

延州高讓遠傳芳世祀移地絕遺金路松悲懸劔枝野
藤侵沸井山雨濕苔碑別有觀風處樂奏無人知

賦得落窮巷士

左思詠史詩落窮巷士抱影守空廬

揚雲不邀名原憲本遺榮草長三徑合花發四隣明塵
隨幽巷靜嘯逐遠風清門外無車轍自可絕公卿

賦得日中市朝滿

鮑照結客少年場行日中市朝滿車馬若川流

雲閣綺霞生，旗亭麗日明。塵飛三市路，蓋入九重城。竹

葉當壚

初學作杯

滿桃花帶綬輕。唯見爭名利，安知大隱情。

賦得題新雲

西北春雲起，遙臨偃蓋松。根危纔吐葉，氣淺未成峯。風前飛未斷，日處影疑重。體輕無五色，詎是得從龍。

賦得白雲臨酒

白雲蓋濡水流彩入澗川
踈葉臨嵇竹輕鱗入鄭船
菊泛金枝下峯斷玉山前
一朝開五色飄飄映十千

詠雪應衡陽王教

九冬飄遠雪六出表豐年
睢陽生玉樹雲夢起瓊田
入牕輕落粉拂柳駛飛綿
欲動淮南賦亂下桂花前

賦得雪映夜舟

黃雲迷鳥路白雪下鳧舟
分沙映冰浦照鶴聚寒流
檣風吹影落纜錦襍花浮
舩梁若是桂翻如月照秋

薄帷鑒明月

阮籍詠懷詩薄帷鑒
明月清風吹我衿

長河上桂月澄彩照高樓分簾疑碎璧隔幔似垂鈎

外光恒滿帷

一作閨

中影暫流豈及西園夜長隨飛蓋遊

玄圃觀春雪

同雲遙映嶺瑞雪近浮空拂鶴伊川上飄花桂苑中
影麗重輪月飛隨團扇風還取長歌處帶曲舞春風

秋河曙耿耿

謝眺詩秋河曙取
取寒渚鬱蒼蒼

耿耿長河曙濫濫宿雲浮天路橫秋水星衡一作橋轉夜

流月下姮娥落風驚織女秋德星猶可見仙槎不復留

浦狹村煙度

梁簡文龍立引浦狹
村煙度洲長歸鳥息

茅蘭夾兩岸野燎燭中川村長合夜影水狹度浮煙收
光暗鳥弋分火照漁船山人不炊桂樵華幸共然

和衡陽王秋夜

睢苑涼風舉
章臺雲氣收
螢光連燭動
月影帶河流
綠綺朱弦泛
黃花素蟻浮
高軒揚麗藻
即是賦新秋

賦得山卦名

蓬萊遯羽客
巖穴轉蒙籠
雲歸仙井暗
霧解石橋通
影帶臨峯鶴
形隨襍雨風
尋師不失路
咸欲馭飛鴻

初春賦得池應教

遙天收密雨
高閣映奔曦
雪盡青山路
冰銷綠水池
春光落雲葉
花影發晴枝
琴樽奉終宴
風月豈云疲

賦得垂柳映斜谿

千仞清溪險三陽弱柳垂葉細臨湍合根空帶石危風
翻夾浦絮雨濯倚流枝不分梅花落還同橫笛一作吹
笛裏

賦得岸花臨水發

何遜贈諸遊舊詩岸花
臨水發江燕遠檣飛

奇樹滿春洲落蘂映江浮影間蓮花石光涵濯錦流漾
色隨桃水飄香入桂舟別有仙潭菊含芳獨向秋

賦得風生翠竹裏應教

金風起燕觀翠竹夾梁池
翻花疑鳳下颺水似龍移
帶露依深葉飄寒入勁枝
聊因萬籟響詎待伶倫吹

賦得山中翠竹

脩竹映巖垂來風異夾池
複澗藏高節重林隱勁枝
雲生龍未上花落鳳將移
莫言棲嶮谷伶倫不復吹

賦得梅林輕雨應教

梅樹耿長虹芳林散輕雨
蜀郡隨仙去陽臺帶雲聚
飄花更濯枝澗石還侵柱
詎得零陵燕隨風時共舞

賦新題得蘭生野徑

披襟出蘭畹，命酌動幽心。
鋤罷還開路，歌喧自動琴。
華燈共影落，芳杜襟花深。
莫言閒逕裏，遂不斷黃金。

賦得威鳳棲梧

初學云賦得
棲梧桐威鳳

丹山下威鳳來，集帝梧中欲舞。
春花落將飛，秋葉空影照。
龍門水聲入洞庭，風別有將雛曲。
翻更合絲桐。

賦得魚躍水花生

漾色桃花水，相望濯錦流。
躍浦疑珠出，依池似鏡浮。
凌

波銜落葉觸餌避沈鈎方遊蓮葉外詎入武王舟

賦新題得寒樹晚蟬踈

寒蟬噪楊柳朔吹犯梧桐葉迥飛難住枝殘影共空聲
踈飲露後唱絕斷弦中還因搖落處寂寞盡秋風

賦得秋蟬唱

一作咽

柳應衡陽王教

秋鴈寫

一作氣與

遙天園柳集驚蟬競噪長枝裏爭飛落木

前風高知響急樹近覺聲連長楊流喝盡詎識蔡邕弦

秋日別庾正員

英華作徐陵

征途愁轉旆連騎慘停鑣朔氣凌踈木江風送上潮青
雀離帆遠朱鳶別路遙唯有當秋月夜夜上河橋

賦得佳期竟不歸 七言

庾肩吾有所思曰佳期
竟不歸春物坐芳菲

良人萬里向河源 娼玉臺後集作小婦三秋思柳園路遠寄詩

空織錦宵長夢返欲驚魂飛蛾屢繞帷前燭衰草還侵

階上玉銜啼拂鏡不成粧促柱繁絃還亂曲時分玉臺後集

作特年移竟不歸偏憎寒急夜縫衣流螢映月明空帳念

疎葉從風入斷機自對孤鸞向影絕終無一鴈帶書回

賦得堦前嫩竹

翠竹梢雲自結叢輕花嫩筍欲凌空砌曲橫枝屢解籜
階前疎葉強來風欲知抱節成龍處當於山路葛陂中

欽定四庫全書

古詩紀
卷一百十三

三

古詩紀卷一百十三

欽定四庫全書

古詩紀卷一百十四

明 馮惟訥 撰

陳第七

江總

字總持濟陽考城人初仕梁累官至尚書僕射
陳天嘉中轉太子詹事後主嗣位歷任尚書令
不持政務但日與後主隨宴後庭多為艷詩國政
日頹君臣昏亂陳亡入隋拜上開府開皇中卒

樂府

雉子斑

以下
五言

麥壟新秋來澤雉屢裴徊依花似協妬拂草乍驚媒三

春桃照李二月柳爭梅暫住如臯路當令巧笑開

隴頭水二首

隴頭萬里外天涯四面絕人將蓬共轉水與啼俱咽驚
湍自湧沸古樹多摧折傳聞博望侯苦辛提漢節

霧暗山中日風驚隴上秋徒傷幽咽響不見東西流無
期從此別更度幾年幽遙聞玉闕道望入杳悠悠

折楊柳

萬里音塵絕千條楊柳結不悟倡園花遙同羌嶺

一作天嶺

雪春心自浩蕩春樹聊攀折共此依依情無奈年年別

關山月

兔月半輪明狐關一路平無期從此別復欲幾年行
映光書漢奏分影照胡兵流落今如此長戍受降城

洛陽道二首

德陽穿洛水伊闕邇河橋仙舟李膺棹小馬王戎鑣杏
堂歌吹合槐路風塵饒綠珠含淚舞孫秀彊相邀

小平路

一作臨

四達長楸聽五鐘玉節迎司隸錦車歸濯

龍弦歌聲不息環珮響相從花障蕩舟笑日暎下山逢

長安道

翠蓋承輕霧金羈照落暉五侯新拜罷七貴早朝歸
轟轟紫陌上藹藹紅塵飛日暮延平客風花拂舞衣

梅花落二首

縹色動風香羅生枝已長妖姬墜馬髻未插江南瑞
轉袖花紛落春衣共有芳羞作秋胡婦獨採城南桑

胡地少春來三年驚落梅偏疑粉蝶散乍似雪花開可

憐香氣歇可惜風相摧金鏡且莫韻玉笛幸徘徊

紫騮馬

春草正萋萋蕩婦出空閨識是東方騎猶帶北風嘶揚
鞭向柳市細蹠上金堤願君憐織素殘妝尚有啼

驄馬驅

長城兵氣寒飲馬詎為難暫解青絲轡行歇鏤衢鞍白
登圍轉急黃河凍不乾萬里朝飛電論功易走丸

雨雪曲

雨雪隔榆溪從軍度隴西
遶障看孤迹依山見馬蹄
天寒旗彩壞地暗鼓聲低
漫漫愁雲起蒼蒼別路迷

劉生

外編作王由禮
題云贈俠侶

劉生負意氣長嘯且徘徊
高一作辯論明秋水命賞陟春

臺干戈倜儻用筆硯縱橫
才置驛無年限遊俠四方來

婦病行

窈窕懷貞室風流挾琴婦
唯將角枕臥自影啼妝久羞
開翡翠帷嬾對蒲萄酒
深悲在縑素託意忘箕帚
夫壻

府中趨誰能大垂手

置酒高殿上

三清傳旨酒柏梁奉歡宴霜雲動玉葉凍水疎金箭羽
箭響鐘石流泉灌金殿盛時不再得光景馳如電

今日樂相樂

綺殿文雅道玳筵歡趣密鄭態逶迤舞齊弦窈窕瑟金
罍送縹觴玉井沈朱實願此北堂宴長奉南山日

蕭史曲

弄玉秦家女，簫史仙處童。來時兔月滿，去後鳳樓空。密
笑開還歛，浮聲咽更通。相期紅粉色，飛向紫煙中。

詠燕燕于飛應詔

二月春暉暉，雙燕理毛衣。銜花弄薔靡，拂葉隱芳菲。或
在堂間戲，多從幕上飛。若作仙人履，終向日南歸。

濟黃河

六朝聲偶作
柳顧言者非

葱山淪外域，鹽澤隱遐方。兩源分際遠，九道派流長。未
殫所聞見，無待驗詞章。留連嗟太史，惆悵踐黎陽。導波

縈地節

一作脉

疏氣耿天潢
憫周沈用寶
嘉晉肇為梁

橫吹曲

簫聲鳳臺曲
洞吹龍鍾管
鏜鎔漁陽摻
怨抑胡笳斷

怨詩二首

以下
七言

採桑歸路河流深
憶昔相期柏樹林
奈許新縑傷妾意
無由故劔動君心

新梅嫩柳未障羞
情去恩移那可留
團扇篋中言不分

拾遺
作盡纖腰掌上詎勝愁

烏棲曲

玉臺後集
作徐陵

桃花春水木蘭橈金羈翠蓋聚河橋隴西上計應行去
城南美人啼著曙

芳樹

朝霞映日殊未妍珊瑚照水定非鮮千葉芙蓉詎相似
百枝燈花復羞然暫欲寄根對滄海大願移華側綺錢
井上挑蟲誰可禱庭中桂蠹豈見憐

東飛伯勞歌

一作紹
古歌

南飛烏鵲北飛鴻
弄玉蘭香時會同
誰家可憐出牕牖
春心百媚勝楊柳
銀牀金屋挂流蘇
寶鏡玉釵橫珊瑚
年時二八新紅臉
宜笑宜歌羞更斂
風花一去杳不歸
祇為無雙惜舞衣

襟曲三首

行行春逕靡蕪綠
織素那復解琴心
乍愜南階悲綠草
誰堪東陌怨黃金
紅顏素月俱三五
夫婿何在今追集

征虜關山隴月春雪冰

一作深

誰見人啼花照戶

殿內一處起金房併

玉臺作便

勝餘人白玉堂珊瑚挂鏡臨

網戶芙蓉作帳照雕梁房櫳宛轉垂翠幕佳麗逶迤隱

珠箔風前花管颺難留舞虛花鈿低不落陽臺通夢太

非真洛浦凌波復不新曲中唯聞張女調

一作曲

定有同

姓可憐人但願私情賜斜領不願傍人相比並妾門逢
春自可榮君面未秋何意冷

泰山言應可轉移新寵不信更參差合懽錦帶鴛鴦鳥
同心綺袖連理枝皎皎新秋明月開早露飛螢暗裏來

鯨燈落花殊未盡
虬水銀箭莫相催
非是神女期河漢
別有仙姬入吹臺
未眠解著同心結
欲醉那堪連理杯
後宮不慙茱萸芳
夜夜爭閒蘇合房
寶釵翠鬢還相似
朱唇玉面非一行
新人未語言如澀
新寵無前判不減
願奉更衣蘭麝氣
恐君馬到自驚香

梅花落

文苑英華作徐陵今從五
臺樂府作江總下篇同

臘月正月早驚春
衆花未發梅花新
可憐芬芳臨玉臺
朝攀晚折還復開
長安少年多輕薄
兩兩共唱梅花落

滿酌金卮催玉柱落梅樹下宜歌舞金谷萬株連綺甍
梅花密處藏嬌鶯桃李佳人欲相照摘葉一作藥牽花來
並笑楊柳條青樓上輕梅花色白雪中明橫笛短簫淒
復切誰知柏梁聲不絕

宛轉歌

七夕天河白露明八月瀟水秋風驚樓中恒聞哀響曲
塘上復有辛苦行不解何意悲秋氣直置無秋悲自生
不怨前階促織鳴偏愁別路擣衣聲別燕差池自有返

離蟬寂寞詎含情雲聚懷清四望臺月冷相思九重觀
欲題芍藥詩不成來採芙蓉花已散金樽送曲韓娥起
玉柱調弦楚妃歎翠眉結根不復開寶鬢迎秋度前亂
湘妃拭淚灑貞筠笑藥浣衣何處人步步香飛金薄履
盈盈扇掩珊瑚脣已言採桑期陌上復能解佩就江濱
競入華堂要花枕爭開羽帳奉華茵不惜獨眠前下釣
欲許便作後來薪後來暝暝同玉牀可憐顏色無比方
誰能巧笑特窺井乍取新聲學統梁宿處留嬌墮黃珥

鏡前含笑弄明璫
卷施摘心心不盡
茱萸折葉葉更芳
已聞能歌洞簫賦
詎是故愛邯鄲倡

長相思二首

雜言

長相思久離別
征夫去遠芳音一作幽芳
滅湘水深隴頭咽

紅羅斗帳裏
綠綺清弦絕
逶迤百尺樓
愁思三秋結

長相思久別離
春風送燕入簷窺
暗開脂粉弄花枝
紅樓千愁色
玉筋兩行垂
心心不相照
望望何由知

古詩紀卷一百十四

欽定四庫全書

集部

古詩紀卷一百十五至

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣益照

欽定四庫全書

古詩紀卷一百十五

明 馮惟訥 撰

陳第八

江總二

詩

秋日侍宴婁苑湖應詔

以下
五言

翠渚還鑿輅瑤池命羽觴千門響雲蹕四澤動榮光玉
軸昆池浪金舟太液張虹旗照島嶼鳳蓋繞林塘野靜

重陰閣淮秋水氣涼霧開樓闕近日迴烟波長洛宴諒
斯在鎬飲詎能方朽劣叨榮遇簪笏奉周行

侍宴元武觀

詰曉三春暮新雨百花朝星宮移渡罕天駟動行鑣旆
轉蒼龍闕塵飛飲馬橋翠觀迎斜照丹樓望落潮鳥聲
雲裏出樹影浪中搖歌吟奉天詠未必待聞韶

宴樂修堂應令

肅城通甲觀承華啟畫堂北宮降恩賞西園度羽觴殊

私奉玉裕終宴在金房庭暉連樹彩簷影接雲光仙如
伊水駕樂似洞庭張彈絲命琴瑟吹竹動笙簧庸踈濫
應阮衰朽慙連章

三日侍宴宣遊堂曲水

上巳娛春禊芳辰喜月離北宮命簫鼓南館列旌麾繡
柱擎飛閣雕軒傍曲池醉魚沈遠岫浮棗涿清漪落花
懸度影飛絲不礙枝樹動丹樓出山斜翠磴危禮周羽
爵遍樂闋光陰移

秋日遊昆明池

元行恭薛道衡有此詩

靈

一作玄

沼蕭條望遊人意緒多終南雲影落渭北雨聲

過蟬噪金隄柳鷺飲石鯨波珠來照似月織處寫成河

此時

一作詎知

臨水歎非復採蓮歌

秋日登廣州城南樓

秋城韻晚笛危榭引清

一作凄

風遠氣疑埋劍鷺禽似避

弓海樹一邊出山雲四面通野火初煙細新月半輪空

塞外離羣客顏鬢早如蓬徒懷建鄴水復想洛陽宮不

及孤飛鴈獨在上林中

贈洗馬袁朗別

賈誼登朝日終軍對奏年
校文升廣內撫劍入崇賢
竒才殊艷逸將別更留連
驅車命鏡管拱坐面林泉
池寒稍下鴈木落久無蟬
露浸山扉月霜開石路烟
高談無與慰遲爾報華篇

詒孔中丞與

我行五嶺表辭鄉二十年
聞鶯欲動詠披霧即依然
疇

昔同寮案今隨年代改借問藏書處唯君故人在故人
名宦高霜簡肅權豪誰知懷九歎徒然泣二毛步出東
郊望心遊江海_上遇物便今古何為不惆悵初晴原野
開宿雨潤條枚叢花曙後發一鳥霧中來淹留蘭蕙苑
吟嘯芳菲晚忘懷靜躁間自覺風塵遠白社聊可依青
山乍採薇鍾牙乃得性語默豈同歸

贈賀左丞蕭舍人

輜軒通八表旌節駕三秦聽歌酬敏對繼好佇行人賀

生思沈鬱蕭弟學紛綸共有筆端譽皆為席上珍離羣
徒悄悄征旅日駢駢黃河分太史一曲悲千里海內平
生親中朝流寓士痛哉憫梁祚于焉三十祀鍾儀繫不
歸盛憲悲何已隴頭心斷絕爾為叅生死回首望長安
猶如蜀道難函關分地軸華嶽接天壇行旌方境逝去
棹艤江干蘆花霜外白楓葉水前丹翔鷗方怯凍落鴈
不勝彈輝輝盛王道時務嬰疲老九流倦耳目十年變
懷抱何以敦岐路淒然綴辭藻江南有桂枝塞北無萱

草斗酒未為別垂堂深自保

遇長安使寄裴尚書

傳聞合浦葉遠向洛陽飛北風尚嘶馬南冠獨不歸去

雲日徒送離琴手自揮秋蓬失處所春草屢芳菲太集作

歎息關山月風塵客子衣

別南海賓化侯

石闕通越井蒲澗迺靈洲此地何遠覓羣英遂遠遊高
才來彥伯令譽許文休悠焉值君子復此映芳猷嶠函

多險澁星瓘壯環周分歧泣世道念別傷邊秋斷山時
結霧平海若無流驚鷺一羣起哀猿數處愁是日送歸
客為情自可求終謝能鳴鴈還同不繫舟其如江海泣
惆悵徒離憂

庚寅年二月十二日遊虎丘山精舍

縱棹憐迴曲尋山靜見聞每從芳杜性須與俗人分貝
塔涵流動花臺偏領芬蒙籠出簷桂散漫繞牕雲情幽
豈狗物志遠易驚羣何由狎魚鳥不願屈玄纁

入龍丘巖精舍

法堂猶集鴈仙竹幾成龍聊承丹桂馥遠視白雲峰風
牕穿石竇月牖拂霜松暗谷留征鳥空林徹夜鐘陰崖
未辨色疊樹豈知重盭此哀時命吁嗟世不容無由訪
詹尹何去復何從

明慶寺

十五詩書日六十軒冕年名山極歷覽勝地殊留連幽
厓聳絕壁洞穴瀉飛泉金河知證果石室乃安禪夜梵

聞三界朝香徹九天山階步皎月澗戶聽涼蟬市朝霑
草露淮海作桑田何言望鍾嶺更復切秦川

入攝山栖霞寺

井序一作再
遊栖霞寺言志

壬寅年十月十八日入攝山栖霞寺登岸極峭頗暢
懷抱至德元年癸卯十月二十六日又再遊此寺布
法司施菩薩戒甲辰年十月二十五日奉送金像還
山限以時務不得恣情淹留乙巳年十一月十六日
更獲拜禮仍停山中宿永夜留連棲神悚聽但交臂

不停薪指俄謝率製此篇以記即日俾後來賞者知

余幽志

淨心抱冰雪暮齒逼

一作迫

桑榆太息波川迅悲哉人世

拘歲華皆採穫冬晚共巖枯濯流濟八水開襟入四衢

茲山靈妙合當與天地俱石瀨乍深淺崖煙遞有無缺

碑橫古隧盤木臥荒塗行行備履歷步步轉一作憐威紆

高僧迹共遠勝地心相符樵隱各有得丹青獨不渝寺猶

有朗詮二師居士明僧
紹治中蕭嗣塑像圖

遺風佇芳桂比德喻生芻寄言

長往客悽然傷鄙夫

遊攝山栖霞寺

并序

禎明元年太歲丁未四月十九日癸亥入攝山展慧
布法師憶謝靈運集還故山入石壁中尋曇隆道人
有詩一首十一韻今此拙作仍學康樂之體

霖霖時雨霽清和孟夏肇栖宿綠野中登頓丹霞杪敬
仰高人德抗志塵物表三空豁已悟萬有一何小始從
情所寄冥期諒不少荷衣步林泉麥氣涼昏曉乘風面

泠泠候月臨皎皎烟崖憩古石雲路排征鳥披選憐森
沈攀條惜杳裊平生忘是非朽謝豈矜矯五淨自此涉
六塵庶無擾

攝山棲霞寺山房夜坐簡徐祭酒周尚書并同

遊羣彥

澡身事珠戒非是學金丹月磴時橫枕雲崖宿解鞍梵
宇調心易禪庭數息難石澗水流靜山牕葉去寒君思
北闕駕我惜東都冠翻愁夜鐘盡同志不盤桓

靜臥栖霞寺房望徐祭酒

絕俗俗無侶修心心自齋連崖夕氣合虛宇宿雲覆卧
藤新接戶歌石久成階樹聲非有意禽戲似忘懷故人
市朝狎心期林壑乖唯憐對芳杜可以為吾儕

營涅槃懺還塗作并序

禎明二年仲冬攝山栖霞寺布法師只爾待終余以
此月十七日宿昔入山仰為師氏營涅槃懺還塗有
此作

可否同一貫生死亦一條況期滅盡者豈是俗中要人
道離羣愴冥期出世遙留連入澗曲宿昔陟巖椒石溜
冰便斷松霜日自銷向崖雲蹊蹊出谷霧飄颻勿言無
大隱歸來即市朝

至德二年十一月十二日升德施山齋三宿決

定罪福懺悔詩

四知無矯志二施啟幽心簡通避人物偃息還山林曲
澗停騶響交枝落幔陰池臺聚凍雪欄牖噪歸禽石彩

無新故峯形詎古今大車何杳杳奔馬遂駸駸何以修
六念虔誠在一音未泛慈舟遠徒令願海深

南越木槿歌

啼粧梁冀婦紅粧蕩子家

一作長娥
衛女家

若持花並笑宜笑

不宜花趙女垂金珥燕姬插寶珈誰知紅槿艷無因寄
狹邪徒令萬里道攀折自咨嗟

詠採甘露應詔

祥露曉氛氳上林朝晃朗千行珠樹出萬紫瓊枝長徐

輪動仙駕清晏留神賞丹水波濤汎黃山烟霧上風亭
翠柿開雲殿朱紉響徒知恩禮洽自憐名實爽

借劉太常說文

劉棻慕子雲許慎詢景伯碩學該蟲篆竒文秀鳥跡曰
余徒下帷待問垂重席不詣王充市聊投班玩籍三寫
徧鑽研六書多補益幽居服藥餌山宇生虛白留連嗣
芳杜曠蕩依泉石夫君愛滿堂願言馳下澤

賦得一日成三賦應令

副君睿賞適清夜北園遊下筆成三賦傳觴對九秋飛
文綺穀采落紈波清流樹密寒蟬響簷暗雀聲愁綠淑
明層殿青山照近樓此時盛禮物顧省良若抽

攝官梁小廟

梁有小廟太祖太夫人廟也非嫡故別立廟南
史曰侯景寇建鄴詔以總權兼太常卿守小廟

疇昔遊依所今日薦櫻時憲章誠有革歲月遂難思故
人獨之子官聯更在茲虛簷靜暮雀洞戶映光絲平生
復能幾語事必傷悲

卜山楚廟

蘋藻祈明德倚棹息岩阿
忽聽晨雞曙非復楚宮歌
閒階難宿薺古木斷懸蘿
帷堂寂易晚桴鼓自相和
盛祀流百世英威定幾何

山庭春日

一作沐山庭

洗沐惟五日棲遲在一作對一丘
古植橫近澗危石聳前

洲岸綠開河柳池紅照海榴
野花寧待晦山蟲詎識秋
人生復能幾夜燭非長游

七夕

六朝聲偶作
柳願言者非

漢曲天榆冷河邊月桂秋
婉孌期今夕飄颻渡淺流
輪

隨列宿動

一作轉

路逐彩雲浮
橫波翻瀉淚
束素反緘愁

此時機杼息
獨向紅粧羞

南還尋草市宅

紅顏辭鞞洛白首入鞞
轅乘春行故里徐步采芳
蓀逕毀悲求仲林殘憶巨
源見桐猶識井看柳尚知
門花落空難遍鶯啼靜易
諠無人訪語默何處叙寒
溫百年獨

如此傷心豈復論

和張記室源傷往

集作傷
在人

小婦當壚夜九塔凱歸年正歌千里曲翻入九重泉機
中未斷素瑟上本留弦空帳臨牕掩孤燈向壁燃還悲
寒隴曙一作樹松短未生烟

在陳旦解醒共哭傾舍人

一作傷
顧野王

獨酌一樽酒高詠七哀詩何言蒿里別非復竹林期塔
荒鄭公草戶聞董生惟人隨暮一作朝槿落客共晚鶯悲

年髮兩如此傷心詎一作幾時

侍宴臨芳殿

六朝聲偶作
柳顧言者非

鍾箭自

一作且

徘徊皇堂薦羽杯橋平疑水落石迴見山

開林前暝色靜花處近香來西岷傷撫夕北閣濫游陪
侍宴瑤泉殿

水亭通粉詣石路接堂皇野花不識采旅竹本無行雀
驚疑欲曙蟬噪似含涼何言金殿側亟奉瑤池觴

別袁昌州二首

河梁望隴頭分手路悠悠
徂年若驚電別日欲成秋
黃鵠飛飛遠青山去去愁
不言雲雨散更似東西流

客子歎途窮此別異西東
關山嗟墜葉岐路憫征蓬
別鶴聲聲遠愁雲處處同

經始興廣果寺題愷法師山房

息舟候香埠悵別在寒林
竹近交枝亂山長絕逕深
輕飛入定影落照有疎陰
不見投雲狀空留折桂心

和衡陽殿下高樓看妓

起樓侵碧漢
初日照紅粧
弦心艷卓女
曲誤動周郎
並歌時轉黛
息舞暫分香
挂纓銀燭下
莫笑玉釵長

賦得空閨怨

蕩妻怨獨守
盧姬傷獨居
瑟上調弦落
機中織素餘
自羞淚無燥
翻覺夢成虛
復嗟長信閣
寂寂往來疎

并州羊腸坂

三春別帝鄉
五月度羊腸
本畏車輪折
翻嗟馬骨傷
驚風起朔鴈
落照盡胡桑
關山定何許
徒御慘悲涼

歲暮還宅

悒然想泉石驅駕出城臺
翫竹春前筍驚花雪後梅
青山殊可對黃卷復時閑
長絕豈繫日濁酒傾一杯

春夜山庭

春夜芳時晚幽庭野氣深
山疑刻削意樹接縱橫
陰戶對忘憂草池驚旅浴禽
樽中良得性物外知余心

夏日還山庭

獨於幽棲地山庭暗女蘿
澗清長低篠池開半卷荷
野

花朝暝落盤根歲月多停樽無賞慰狎鳥自經過

賦得謁帝承明廬

霧開仁壽殿雲繞承明廬輪停紺幃引馬度紅塵餘香
貂拜散袞花綬拂玄除謁帝升清漢何殊入紫虛

賦得携手上河梁應詔

早秋天氣涼分手關山長雲愁數處黑木落幾枝黃鳥
歸猶識路流去不知鄉秦川心斷絕何悟是河梁

賦得汎汎水中鳧

歸鳧沸卉同亂下芳塘中出沒時銜藻飛鳴忽颺風浮
深或不息戲廣若乘空春鷄徒有賦還笑在金籠

賦得三五明月滿

三五兔輝成浮陰冷復輕隻輪非戰反團扇少歌聲雲
前來往色水上動搖明況復高樓照何嗟攬不盈

衡州九日

秋日正淒淒茅茨復蕭瑟姬人薦初醞幼子問殘疾園
菊抱黃華庭榴剖珠實聊以著書情暫遣他鄉日

賦詠得琴

可憐嶧陽木雕為綠綺琴
田文垂睫淚卓女弄弦心
戲鶴聞應舞游魚聽不沈
楚妃幸勿歎此異丘中吟

一作音

詠雙闕

象闕連馳道天

一作月

宇照方疏刻鳳棲清漢
圖龍入紫

虛屢逢膏露灑幾遇祥烟
初競言百尺麗寧方萬丈餘

三善殿夜望山燈

六朝聲偶作柳頽言者非

百花疑吐夜四照似含春
的的連星出亭亭向月新
採

珠非合浦贈珮異江濱若在扶桑路堪言並日輪

奉和東宮經故妃舊殿

故殿看看冷空階步步悲猶憶窺牕處還如解佩時苔
生無意早燕入有言遲若令歸就月照見不須疑

同庾信答林法師

藝文作周弘正

客行七十歲歲暮遠徂征塞雲凝不解隴水凍無聲君
看日遠近為村長安城

詠李

嘉樹春風早春風花落新但見成蹊處幾得正冠人當
知露井側徒與天桃鄰

詠蟬

白露涼風吹朱明落照移鳴條噪林柳流響遍臺池
聲如易得尋跡却難知

答王筠早朝守建陽門開

金兔猶懸魄銅龍欲啟扉三條息行火百雉照初暉
御溝槐影出仙掌露光晞

侍宴賦得起坐彈鳴琴

絲傳園客意曲奏楚妃情罕有知音者空勞流水聲

別永新侯

詩景作張
正見者非

送君張掖郡分悲函谷關欲知腸斷絕浮雲去不還

春日

水苔宜溜色山櫻助落暉浴鳥沈還戲飄花度不歸

於長安歸還揚州九月九日行薇山亭賦韻

心逐南雲逝形隨北鴈來故鄉籬下菊今日幾花開

一作

長安九日詩曰心逐南雲去身隨
北鴈來故園籬下菊今日為誰開

哭魯廣達

南史曰廣達陳之良將也至德二年為侍中中領
軍賀若弼進軍鍾山廣達力戰及韓擒象勝破宮
城廣達被執入隋以憤慨卒
江總撫柩慟哭題其棺曰

黃泉雖抱恨白日自留名悲君感義死不作負恩生

秋日新寵美人應令

以下
七言

後宮唯聞莫瓊樹絕世復有宋容華
皆自爭名進女弟
定作雙飛勝蕩家願並迎春比翼燕
常作照日同心花

聞道艷歌時易調，忖許新恩那久要。
翠眉未畫自生愁，玉臉含啼還似笑。
角枕千嬌薦芬香，若使琴心一曲奏。
幽蘭度曲不可終，陽臺夢裏自應通。
秋樹相思一枝綠，為挿賤妾兩鬟中。

新入姬人應令

洛浦流風漾淇水，秦樓初日度陽臺。
玉軟輕輪五香散，金燈夜火百花開。
非是妖姬渡江日，定言神女隔河來。
時向月別姮娥別時清，吹悲簫史數錢拾翠爭佳麗。

拂紅點黛何相似本持纖腰惑楚宮暫迴舞

玉臺作寫

袖驚

吳市新人羽帳挂流蘇故人網戶織蜘蛛梅花柳色春
難遍情來春去在須臾不用庭中賦綠草但願思著弄
明珠

閨怨篇

寂寂青樓大道邊紛紛白雪綺牕前池上鴛鴦不獨自
帳中蘇合還空然屏風有意障明月燈火無情照獨眠
遠西水凍春應少薊北鴻來路幾千願君關山及早度

念妾桃李片時妍

又

藝文作江總次閨怨篇下玉
臺作梁簡文和蕭子顯春別

蜘蛛作絲滿帳中芳草結葉當行路紅臉脈脈一生啼
黃鳥飛飛有時度故人雖故昔經新新人雖新復應故

內殿賦新詩

兔影脉脉照金鋪虬水滴滴瀉玉壺綺翼雕甍迺清漢
虹梁紫一作桂柱麗黃圖風高暗綠凋殘柳雨駛芳紅濕
晚芙蓉三五二八佳年少百萬千金買歌笑偏著故人織

素詩願奏秦聲采蓮調織女今夕渡銀河當見新秋停
玉梭

姬人怨

天寒海水慣相知空牀明月不相宜庭中芳桂憔悴葉
井上疎桐零落枝寒燈作花羞夜短霜鴈多情恒結伴
非為隴水望秦川直置思君腸自斷

姬人怨服散篇

薄命夫婿好神仙逆愁高飛向紫烟金丹欲成猶百鍊

玉酒新熟幾十年
妾家邯鄲好輕薄
特忿仙童一丸藥
自悲行處綠苔生
何悟啼多紅粉落
莫輕小婦狎春風
羅襪也得步河宮
雲車欲駕應相待
羽衣未去幸須同

不學簫史還樓上
會逐姮娥戲月中

文苑英華註曰江總
姮人怨二詩本

集及藝文類聚共是一篇今題目既
有增減當以英華為正分為二首

古詩紀卷一百十五

欽定四庫全書

古詩紀卷一百十六

明 馮惟訥 撰

陳第九

顧野王

字希馮吳郡吳人也少以篤學至性知名梁大通初除太學博士歷臨賀宣城瑯琊三王

官入陳歷撰史學士後主東宮管記光祿卿

羅敷行

東隅麗春日南陌采桑時樓中結梳罷提筐候早期風
輕鶯韻緩露重落花遲五馬光長陌千騎絡青絲使君

徒遣信賤妾畏蠶饑

芳樹

上林通建章
禰樹遍林芳
日影桃蹊色
風吹梅逕幽
山桂葉落馳
道柳條長折
榮疑路遠用
表莫相忘

有所思

賤妾有所思
良人久征戍
茄鳴塞城表

一作茄鳴
胡塞表

花開

落芳樹白登
澄月色黃龍
起烟霧
遂聞雉子斑
非復長

征賦

隴頭水

隴底望秦川，迢遞隔風烟。
蕭條落野樹，幽咽響流泉。
瀚海波難息，交河冰未堅。
寧知蓋山水，逐節赴危絃。

長安道

鳳樓臨廣路，仙掌入烟霞。
章臺京兆馬，逸陌富平車。
東門疏廣餞，北闕董賢家。
渭橋縱觀罷，安能訪狹斜。

陽春歌

春草正芳菲，重樓啟曙扉。
銀鞍俠客至，柘彈宛一作童

歸池前竹葉滿井上桃花飛
薊門寒未歇為斷流黃機

艷歌行三首

夕臺行雨度朝梁照日輝
東城採桑返南市數錢歸
長歌挑碧玉羅塵笑洛妃
欲知歡未盡棲烏已夜飛

齊倡趙女盡妖妍珠簾玉砌併神仙
莫笑人來最落後能使君恩得度前
豈知洛渚羅塵步詎滅天河秋夕渡
妖姿巧笑能傾城那思他人不憎妬
蓮花藻井推菱荷採菱妙曲勝陽阿

燕姬妍趙女麗出入王宮公主第倚鳴瑟歌未央調弦
八九弄度曲兩三章唯欣春日永詎愁秋夜長歌未央
倚鳴瑟輕風飄落葉乳燕巢蘭室結羅帷翫朝日牕開
翠幔卷妝罷金星出爭攀四照花競戲三條術

傅縡

字宜事北地靈州人梁太清未携母南奔避亂
王琳引為記室琳亡陳文帝召為撰史學士後

主立累遷秘書監右衛將軍兼中書通事舍人性
本強負才使氣施文慶等譖之後主收下獄縡憤
諫於獄中上書極
諫後主怒賜死

採桑

金史卷之八十三
卷一百十六
羅敷試採桑出入城南傍綺君映珠珥絲繩提玉筐度
身攀葉聚聳腕及枝長空勞使君問自有侍中郎

天馬引

驄色表連錢出冀復來燕取用偏閒地為歌乃號天權
竒意欲遠躑躅勢難前本珍白玉鐙因飾黃金鞭願酬
芻秣寵千里得千年

禠曲

江總徐陵同賦

新人新寵住蘭堂翠帳金屏玳瑁牀
玉臺作 叢星不似珠

簾色度月還如一作同粉壁光從來著名推趙子復有丹

脣發皓齒一嬌一態本難逢如畫如花定相似樓臺宛

轉曲皆通弦管逶迤徹下風此殿笑語長相共一作恒長共

傍省歡娛不復同訝許人情太厚薄分恩賦念能斟酌

多作繡被為鴛鴦一作雙鴛長弄綺琴憎別鶴人今投寵要

須堅會使歲寒恒度前共取辰星作心抱無轉無移千

萬年

褚玠

字溫理河南陽翟人起家王府法曹為山陰令去官之日貧不堪自致皇太子賜粟米二百斛

得還都令入直殿
省累遷御史中丞

鬪雞東郊道

曹子建名都篇曰鬪雞
東郊道走馬長楸間

春郊鬪雞侶捧敵兩逢迎
妬一作羣排袖出帶勇向場

驚錦毛侵距散芥羽雜塵生
還同戰勝罷耿介寄前鳴

岑之敬

字思禮南陽人年十六對策推高第累遷晉
安王中記室陳太建初授東宮學士轉南臺

侍御史征南府諮議參軍性
謙謹士君子以篤行稱之

折楊柳

將軍始見知細柳繞營垂懸綠拂城轉飛絮上宮吹塞
門交度葉谷口暗橫枝曲成攀折處唯言怨別離

洛陽道

喧喧洛水濱鬱鬱小平津路傍桃李節陌上採桑春聚
車看衛玠連手望安仁復有能留客莫愁嬌態新

對酒

色映臨池竹香浮滿砌蘭舒文泛玉盃漾蟻溢金盤蕭
曲隨鸞易笳聲出塞難唯有將軍酒川上可除寒

烏棲曲

驄馬直去沒浮雲
河渡冰開兩岸分
鳥藏日暗行人息
空樓隻影長相憶
明月二八照花新
當壚十五晚留賓

當壚曲

詩話補遺

明月二八照花新
當壚十五晚留賓
回眸百萬橫自陳

徐伯陽

字隱恐東海人大同中為候官令甚得人和
陳天嘉中為侯安都記室參軍累遷鎮安新

安王府諮議參軍

日出東南隅行

朱城壁日啟朱扉

玉臺云丹城壁日映朱扉

青樓含照本暉暉遠映

陌上春桑葉斜入秦家
細綺衣羅敷粧粉能佳麗
鏡前新梳倭墮髻圓籠
裊裊挂青絲鐵鈎冉冉勝
丹桂蠶饑日晚整生愁
忽逢使君南陌頭五馬
停珂遣借問雙臉含嬌
特好羞妾壻府中輕小
吏即今來往專城裏欲
識東方千騎歸鵲鵲日
暮紅塵起

遊鍾山開善寺

聊追鄴城友躡步出蘭宮
法侶殊人世天花異俗中
鳥

聲不測處松吟未覺風此時超愛網還復洗塵蒙

蔡凝

字子居濟陽考城人天嘉中尚主拜駙馬都尉
遷給事黃門侍郎後主嘗置會羣臣將移燕宏

範宮凝不奉詔後主怒之
遷晉熙王長史陳亡入隋

賦得處處春雲生

謝朓和劉西曹望海臺詩曰
往往孤山映處處春雲生

春色遍空明春雲處處生入風衣暫斂隨車蓋轉輕作
葉還依樹為樓欲近城含愁上對影似有別離情

蔡君知

凝之子
頗知名

君馬黃

君馬經西極臣馬出東方策舉浮雲影珂連明月光水
凍恒傷骨蹄寒為踐霜躑蹠嗟伏櫪空想欲從良

阮卓

陳留尉氏人幼聰敏為志經籍尤工五言性至
孝有廉節仕陳為新安王府記室累遷德教殿
學士聘隋還除南海王
府諮議參軍陳亡入隋

關山月

關山陵漢開霜月正徘徊映林如壁碎侵塞似輪推楚
師隨海盡胡兵逐暖來寒笳將夜鵲相亂晚聲哀

長安道

長安馳道上鐘鳴宮寺開
殘雲銷鳳闕宿霧歛章臺
騎轉金吾度車鳴丞相來
鵲鵲東都晚羣公騶御回

詠魯仲連

魯連有高趣意氣本相求
笑罷秦軍却書成燕將愁
聊棄南金賞方從滄海遊
寄言人世客非君能見留

賦得風

高風應爽節搖落漸疎林
吹雲旅鴈斷臨谷曉松吟
屢

惜初學
作棄涼秋扇常飄清夜琴泠泠隨列子彌諧逸豫心

賦得蓮下游魚

春色映澄陂涵泳且相隨未上龍門路聊戲芙蓉池觸
浪蓮香動乘流葉影披相忘自有樂莊惠豈能知

賦得黃鸝一遠別

蘇武詩黃鸝一遠
別千里顧徘徊

霜風秋月映樓明寡鶴偏棲中夜驚月下徘徊顧別影
風前悽斷送離聲離聲一去斷還續別響時來踈復促

聊看遠客贈綾紋，彌怨閒宵雅琴曲。
恒思昔日稻梁恩，理翮整翰上君軒。
獨舞輕飛向吳市，孤鳴清唳出雷門。
王子吹笙忽相值，自覺飄飄雲裏駛。
一舉千里未能歸，惟有田饒解深意。

陳昭

義興國山人慶之之子慶之在梁以軍功封永興侯卒昭嗣位

昭君詞

陰铿集亦載此詩今從樂府作陳昭藝文又作陳明疑即昭也

跨鞍今永訣，垂淚別親賓。
漢地隨行盡，胡關逐望新。
交河擁塞霧，隴日暗沙塵。
唯有孤明月，猶能遠送人。

聘齊經孟嘗君墓

薛城觀舊跡，征馬屢徘徊。
盛德今何在，唯餘長夜臺。
蒼茫空壟路，顛顛古松栽。
悲隨白楊起，淚想雍門來。
泉戶無關吏，雞鳴誰為開。

陳暄

昭之弟，學不師受而文才俊逸。後主在東宮，引為學士及即位，遷通直散騎常侍，與王叔達、孔

範等入禁中陪宴，號為押客暄。通脫以俳優自居，為後主侮虐，悻死。

洛陽道

洛陽九遠

一作街

上羅綺，四時春路傍。避驄馬車中看玉

人鎮西歌艷曲臨淄逢麗神欲知雙璧價潘夏正連茵

長安道

長安開繡陌三條向綺門張敞車單馬韓嫣乘副軒寵
深來借殿功多競置園將軍夜夜返弦歌著曙暄

紫駱馬

天馬汗如紅鳴鞭度九峻飲傷城下凍嘶依北地風茄
寒芳樹歇笛怨柳枝空橫行意未已羞住轂車中

雨雪曲

都尉出祁連雨雪滿難田
雕陵持抵鵲屬國用和糴冰
合軍應渡樓寒烽未然花
迷差未著疎勒復經年

祖孫登

仕陳為記室侯
安都引以為客

紫騮馬

英華作
蘇子卿

候騎指樓蘭長城迴路難
嘶從風處斷骨住水中寒
飛塵暗金勒落淚灑銀鞍
抽鞭上關路誰念客衣單

宮殿名登高臺詩

獨有相思意聊敞鳳皇臺
蓮披香稍上月明光正來
離

鷓鴣

一作鷓鴣

將雲散飛花似雪迴
遙思竹林友前牕
夜夜開

賦得司馬相如

雍容文雅深王吉
共追尋當壚應酤酒
託意且彈琴
上林能作賦長門得賜金
唯當有漢主知懷封禪心

詠風

颯颯楚王宮徘徊繞竹叢
帶葉俱吟樹將花共儻空
飄香雙袖裏亂曲五弦中
試上高臺聽悲響定無窮

詠水

驪泉紫闕映

一作龍川
紫闕映

珠浦碧沙沈岸闕蓮香遠流清

雲影深風潭如拂鏡山溜似調琴請君看皎潔知有澹

然心

詠柳

馳道藏烏日鬱鬱正翻風抽翠爭連影飛綿亂上空高
葉臨胡塞長枝拂漢宮欲驗傷攀折三春橫笛中

賦得涉江採芙蓉

古詩涉江採芙蓉
芙蓉蘭澤多芳草

浮照滿川漲芙蓉承落光人來問花影衣渡得荷香桂
舟輕不定菱歌引更長採採嗟離別無暇緝為裳

蓮調

長川落照日深浦漾清風弱柳垂江翠新蓮夾岸紅船
行疑汎迴月映似沈空願逐琴高戲乘魚入浪中

詠城塹中荷

白水麗金扉青荷承日暉葉似環城蓋香亂上橋衣岸
高知水落影合見菱稀猶疑涉江處空望採蓮歸

劉劓

仕陳為長史侯安都為侍中
大將軍引以為客

泛宮亭湖

荊州記云宮亭湖廟神能使湖中分風而帆南北

迴艦乘派水舉帆去聲逐分風
滉瀆疑無際飄颻似度空

檣烏排鳥路船影沒河宮
孤石滄波裏匡山苦霧中
寄謝千金子安知萬里蓬

賦得蘇武

奉使窮沙漠收淚上河梁
食雪天山近思歸海路長
繫

書秋待鴈握節暮看羊因思李都尉還漢不相忘

採藥遊名山

郭璞遊仙詩採藥遊
名山將以救年頹

名山本鬱盤道士貴黃冠獨馭千年鶴來尋五色丸石
牀新溜乳金竈欲成丹定知無二價非復在長安

侯司空宅詠妓

陰鏗
同賦

石家金谷妓粧罷出蘭閨看花只欲笑聞瑟不勝啼山
邊歌落日池上舞前溪將人當桃李何處不成蹊

賦松上輕蘿

葉繞千年蓋條依百尺枝
屬與松風動時將薜影垂
學帶非難結為衣或易披
山阿若近遠獨有楚人知

賦得馬

獨飲臨寒窟離羣思北風
陳王欲觀舞御史自隨驄
邊聲隕客淚果下並桃紅
恒持沛艾影解向平陵東

賦得獨鶴凌雲去

藝文作劉那聲
偶作劉邦並誤

孤鳴思滄海矯翮避虞機
怨別悽琴曲凌風散舞衣
五

里雖迴顧千年會欲歸寄語雷門鼓無復一雙飛

詠青草

雨淋三春葉風傳十步香映袍憐色重臨書喜帶長

詠蟬

聲流上林苑影入守臣冠得飲玄天露何辭高柳寒

謝燮

陳詩太建十二年吏部侍郎缺所司屢
譽謝燮等宣帝不用乃中召用蕭引

隴頭水

隴阪望咸陽征人慘思腸咽流喧斷岸遊沫聚飛梁危

分飲冰彩虹飲照旗光試聽鏡歌曲唯吟君馬黃

雨雪曲

朔邊昔離別寒風復淒切
峩峩六尺冰飄飄千里雪
未塞來安戶行封蘇武節
應隨隴水流幾過空嗚咽

明月子

杪秋之遙夜明月照高樓
登樓一迴望望見東南

一作南

陌

頭故人眇千里言別歷九秋
相思不相見望望空離憂

方諸曲

望仙室仰雲光繩河裏扇月傍井公能六著玉女善投
壺瓊醴和金液還將天地俱

早梅

迎春故早發獨自不疑寒畏落衆花後無人別意看

蕭詮

南史蕭詮仕
陳為黃門郎

巫山高

巫山映巫峽高高殊未窮猿聲不辨處雨色詎分空懸
崖下桂月深澗響松風別有仙雲起時向楚王宮

賦得徃徃孤山映

青山照落暉，映遠望連飛。
仙峯看玉筍，闕路視金微。
鼓吹聲疑盡，香爐烟覺稀。
共君臨水別，勞此送將歸。

詠銜泥雙燕

銜泥金屋外，表瑞玉筐中。
學飛疑漢妾，巢幕憚吳宮。
介截還猶短，窠成新尚空。
詎竝零陵石，飛舞逐春風。

賦得夜猿啼

桂月影才通，猿啼迴入風。
隔巖還嘯侶，臨潭自響空。
挂

藤疑欲飲吟枝似避弓別有三聲淚霑裳竟不窮

賦得婀娜當軒織

東南初日照秦樓西北織婦正嬌羞綺牕猶垂翡翠幌
珠簾半上珊瑚鈎新粧入機映春牖弄杼鳴梭挑織手
何曾織素讓新人不掩流蘇推中婦三日五匹未言遲
衫長腕弱繞輕絲綾中轉躡成離鵠錦上迴文作別詩
不惜繞素同霜雪更傷秋扇篋中辭

賀徹

仕陳為
左戶郎

採桑

蠶妾出房櫳結伴類花叢度水春衫綠映日晚妝紅釧
聲時動樹衣香自入風鈎長嫩枝曲葉盡細條空競採
須盈手爭歸欲滿籠自憐公府步誰與少年同

賦得長笛吐清氣

魏文帝善哉行悲絃
激清聲長笛吐清氣

胡關氛霧侵羌笛吐清音韻切山陽曲聲悲隴上吟柳
折城邊樹梅舒嶺外林方知出塞虜不憚武溪深

賦得為我彈鳴琴

薄暮高堂上調琴召美人
伯喈聲未盡相如曲復新
點徽還轉弄亂爪更留賓
聊持一弦響雜起艷歌塵

賀循

仕陳為比部郎

賦得夾池脩竹

初學作賀脩

綠竹影參差葳蕤帶曲池
逢秋葉不落經寒色詎移來
風韻晚還集鳳動春枝
所欣高蹈客未待伶倫吹

賦得庭中有奇樹

古詩庭中有奇
樹綠葉發華滋

三春節物始芳菲
遊絲細草動春暉
香風飄舞花間度
好鳥和鳴枝上飛
臨池間竹偏增綠
依階映雪紛如玉
溫室庭前竟不言
鼓吹樓中能作曲
曾聞遠別舊難思
攀折會取贈佳期
長條本自堪為帶
密葉由來好作帷
星稀漢轉月輪明
徘徊夜鵲屢相驚
欲識幽人闌杜徑
山牕芳桂復叢生

李爽

仕陳為
中記室

賦得芳樹

芳樹千株發，搖蕩三陽時。
氣軟來風易，枝繁度鳥遲。
春至花如錦，夏近葉成帷。
欲寄邊城客，路遠詎能持。

山家閨怨

山中多早梅，荆扉達曙開。
竹中君自折，荷衣誰為裁。
行雲無處所，人住在陽臺。

蕭賁

字文奐，齊竟陵王子良之孫，神識耿介，幼好學，有文才，起家梁湘東王法曹參軍。

長安道

前登灞陵道還瞻渭水流城形類北斗橋勢似牽牛飛

軒駕良駟寶劍雜輕裘經過狹斜里

一作表

日暮與

一作且

淹留

何胥

後主時為太常令後主常與宮中女學士及朝臣相和為詩采其尤艷麗者命胥被之管弦以

為新

曲

被使出關

詩彙作庾肩吾者非

出關登隴坂回首望秦川絳水通西晉機橋指北燕奔
流下激石古木上參天鶯啼落春後鴈度在秋前平生

屢此別腸斷自催年

賦得待詔金馬門

漢家一統軌濟濟萬國朝飛纓拂曉霧輕輦逐晨颯槐
衢映綠絨日彩麗金貂此時叅待詔誰復想漁樵

傷章公大將軍

章字上疑
有闕文

百萬橫行罷三千白日新短簫應出塞長笛反驚隣槐
庭慘芳樹舞閣思陽春所悲金谷妓坐望玉關人

哭陳昭

思人適舊館寂寞非一源無復酣歌樂空餘燕雀喧落
暉隱窮巷秋風生故園撫孤空對此零淚欲奚言

孔範

字法言會稽山陰人後主以為郡官尚書與江
總等並為狎客因與孔貴人結為兄妹寵遇優

渥陳亡入隋隋文帝暴其過惡與王
瑳王儀沈攸名為四罪流之遼裔

賦得白雲抱幽石

白雲浮遠蓋飄飄繞石飛帶蓮紫錦色拂鏡下仙衣陣
結香爐隱羅成玉女微能感荆王夢陽臺雜雨歸

和陳主詠鏡

虎賁愁興日龍鏡覽顏時懷恩未得報空歎髮如絲

王瑓

與江總孔範等並為狎客刘薄貪
鄙忌害才能陳亡入隋被流達裔

折楊柳

塞外無春色上林柳已黃枝影侵雲

一作

暗葉彩亂星

光陌頭藏戲鳥樓上掩新妝攀折思為贈心期別路長

洛陽道

洛陽夜漏盡九重平旦開日照蒼龍闕烟遶鳳皇臺浮
雲翻似蓋流水倒成雷曹王鬪雞返潘仁載果來

長相思

長相思久離別兩心同意不相徹悲風悽愁雲結柳葉
眉上銷菱花鏡中滅鴈封歸飛斷鯉素還流絕

潘徽

字伯彥吳郡人初仕陳為客館令陳滅入隋累遷京兆郡博士楊玄感兄弟重之玄感敗出為

威定縣主簿意甚不平發病卒

贈北使

徽雖入隋此詩蓋作于陳故次于此

紫定三邊靜時和四海敦行人仍禮籍使者接輜軒賓
榮君亭燕客踞我司存既美齊嬰學欣逢鄭產言琴酒

時歡會篇章極討論迴旌逗隴左返軸指河源塞榆行
隱路津柳稍垂門日沈山氣合潮落水花翻離情欲寄
鳥別淚不因猿所可緘懷袖方以代蘭萱

韋鼎

杜陵人博涉經史明陰陽尤善相術仕梁累遷
中書侍郎陳受禪拜黃門郎聘周還為太府卿

陳亡入隋授儀同除光
州刺史詩彙作隋

長安聽百舌

藝文曰陳聘使韋
鼎在長安聽百舌

萬里風烟異一鳥忽相驚那能對遠客還作故鄉聲

徐德言

破鏡詩

古今詩話曰陳太子舍人徐德言尚叔實妹樂昌公主陳政衰謂妻曰國破必入權豪家僕情緣未斷尚冀相見乃破一照人分其半約他日以正月望日賣於都市及陳亡其妻果為揚越公得之德言流離辛苦僅能至京遂以正月望日訪於都市有蒼頭賣半照者大高其價人皆笑之德言直引至其居出半照以合之仍題詩云云公主得詩悲泣不食素因詰之公主以實對於是召德言至還其妻後歸江南終老云

鏡

一作照
下同

與人俱去鏡歸人未歸無復姮娥影空留明

月輝

樂昌公主

餞別自解

今日何遷次
新官對舊官
笑啼俱不敢
方信作人難

古詩紀卷一百十六